

Vischnaunca da Breil

Reglament ed uorden da
taxas per la dismessa
d'animals dalla vischnaunca
da Breil

1999

Art.	1	Territori d'applicaziun
	2	Responsabladad
	3	Organisaziun
	4	Annunzia
	5	Principi
	6	Dismessa da cadavers
	7	Surprida dils cuosts
	8	Controlla da carn
	9	Dretg supplementar
	10	Abrogaziun dil dretg vegl
	11	Entrada en vigur

Territori d'applicaziun	<p>Art. 1 Quest reglament vala per la dismessa da cadavers sin il territori dalla vischnauca da Breil.</p>
Responsabladad	<p>Art. 2 Cumpetents e responsabels per l'observaziun dallas respectivas prescripziuns ein ils possessurs dallas alps e pastiras respectiv ils fittaders da talas ed oravontut ils possessurs dils animals.</p>
Organisaziun	<p>Art. 3 Cun l'organisaziun dalla dismessa da cadavers vegn la suprastanza communal incumbensada.</p>
Annunzia	<p>Art. 4 Animals i alla malura ni i a smerscha ston vegnir annunziati immediat entras il possessur e patrun all'administraziun communal ni al genau responsabel.</p>
Principi	<p>Art. 5 Ils cadavers d'animals che van a smerscha ni ston vegnir dismiss muort malsogna en nuegl ni sil funs dueigien per ordinari vegnir dismiss entras l'utilisaziun tecnica da cadavers. Tuts cadavers d'animals che van a smerscha entras malsogna ni disgrazia sin intschess dallas alps e pastiras da vischnauca ein per regla da satrar sil plaz aschinavon ch'il terren lubescha ni en cass cuntrari ein quels da transportar per l'utilisaziun tecnica da dismessa en in liug da rimnada da cadavers e sch'ei sedamonda cun far diever dil helicopter. Ils proprietaris dils animals sin las alps e pastiras dalla vischnauca da Breil ein obligai da dismetter ils cadavers. Sch'ei semuossa necessari tenor relaziuns engrevegiadas ord lohens solitaris e malcontonschibels eis ei da transportar ils cadavers en in liug carrabel dessignaus dalla suprastanza cun engaschar il helicopter. Ils cuosts per tals transports crodan cumpleinamein al possessur digl animal. (Commembradi da famiglia cun contribuziun da benefactor tier la societad da salvament Rega, ni integrar tals cuosts da transports en l'assicuranza privata da caussas). Il satrar cadavers ei lubius soli cun respectar las prescripziuns digl Art. 6 ed Art. 7.</p>

Art. 6a) *Cadavers tochen 70 kg*

Singuls cadavers d'animals tochen 70 kg che crodan tier ordeifer las alps, ein da deponer entras il possessur digl animal sin la deponia da cadavers dalla ARA Trun.

Dismessa da
cadavers

En cass che la dismessa succeda sigl intschess dallas alps e pastiras sa il cadaver vegnir satraus entras il possessur en terren schetg ordeifer ils territoris da palius, tschaffadas d'aua, uals e dutgs. Il satrar pretenda in foss cun in'altezia che tonscha da curclar il cadaver cun sil pli pauc 1.20 m material.
Crodan en cass d'epidemias ni malsognas en inagada in pli grond diember da cadavers, eis ei en tals cass d'annunziar la dismessa all'administraziun communal, la quala contactescha igl uffeci cantunal da veterinari e dat silsunter las ordras tgei che succeda en tals cass excepziunals.

b) *Cadavers sur 70 kg*

Cadavers d'animals sur 70 kg, che crodan tier ordvart las alps, ein da transportar entras il possessur digl animal en in liug sper via principala ni via laterala carrabla fixaus dalla suprastanza.
En cass che la dismessa succeda sigl intschess dallas alps, ei il cadaver per regla da satrar sil plaz entras il proprietari tenor las stipulaziuns en Art. 6 lit. a.

Lubeschan las cundiziuns da terren ed autras raschuns buca il satrar, sto il cadaver vegnir transportaus el liug fixaus dalla suprastanza. L'organisaziun ed ils cuosts da transport entochen il liug da rimnada ein caussa dil proprietari digl animal.

Art. 7

Ils cuosts e la dismessa da cadavers sut 70 kg (Art. 6 lit. a), sco era ils cuosts da transport e transportar ils cadavers sper ina via principala ni ina via laterala ein da surprender dil possessur ni fittader dils animals.

Surprida dils
cuosts

La vischnauca separticipescha buca vid cuosts da transport da helicopter ni auters vehichels ord territoris ordvart las vias carrablas cun auto. (Commembradi da famiglia tier la Rega, cuosts buca cuvretgs san vegnir assicurai tier l'assicuranza privata da caussas).
Ils cuosts da transport da cadavers sur 70 kg naven dalla via principala ni carrabla e la dismessa tecnica vegnan surprida dalla vischnauca tenor rendaquen dil cantun.

En cass dad epidemias ni catastrofas pli grondas vegnan ils cuosts da satrar ni da dismessa da cadavers per ordinari surpri dalla vischnaunca. En tals cass ein quels cuosts e la dismessa da reglar sur la vischnaunca cun igl uffeci cantunal per fatgs da veterinari.

Art. 8

Controlla da carn Tuts cuosts per la controlla da carn entras il veterinari ni auters controlladers ufficials ein da surprender cumpleinamein e per mintga cass dil possessur dils animals. La vischnaunca presta neginas contribuziuns, era buca per la controlla da carn per animals sauns che vegnan mazzaï e per animals che crodan alla assicuranza bovina.

Art. 9

Dretg supplementar Per tuttas damondas e determinaziuns ch'ein buca regladas entras quest reglament valan las determinaziuns dalla ordinaziun federala davart epidemias d'animals (Art. 21), dalla ordinaziun cantunala per fatgs da veterinari (Art. 43–48), dallas prescripziuns d'alpegiaziun dil cantun Grischun (Art. 5) sco era la lescha davart la dismessa da cadavers ed il reglament pertuccont l'organisaziun dil survetsch da rimnada da cadavers cantunal e dil liug da rimnada regional.

Art. 10

Abrogaziun dil dretg vegl Quest reglament abroghescha tuts conclus e reglaments appartenent la dismessa da cadavers da tochen dacheu.

Art. 11

Entrada en vigur Il present reglament va en vigur cun l'approbaziun entras il cussegl da vischnaunca.

Approbau dil cussegl da vischnaunca en sia seduta dils 04 da matg 1999.

En num dil cussegl da vischnaunca

Il president: Clau Schlosser
Il vice-president: Retus Cathomas

En num dalla suprastanza communal

Il president: Sep Cathomas
Igl actuar: Fridolin Cahenzli